

9,356

SUD BOSNE I HERCEGOVINE-SARAJEVO

Pr. (lang. nepoznat) poštom (obliq. preporučeno)

10.02.2009 god. u primjenu sa

Priznato pošto Bosna i Hercegovina

20 godina.

Plaćeno takšano sa KM u taksonim mark

redovnije takse KM plaćeno primjeno bez

Priznato vrijednost (nova, taksonim mark)

Ovlašteni činovnik

Босна и Херцеговина

10-02-2009

keo/08/494-1

11.02.2009

10-02-2009

Poseban odjel za ratne zločine
Broj: KT-RZ-30/06
Sarajevo, 10.02.2009.godine

22.02.2009. PELOZO LOJZA

koji je u hitnom u postupku


u optužnici -

SUD BOSNE I HERCEGOVINE
SARAJEVO

Optužnica KT-32-30/06

PODSEBNA DANA

16.02.2009



Na temelju odredbi člana 33. stav 2. tačka 1) Zakona o krivičnom postupku BiH, podizem

OPTUŽNICU

Protiv:

- Blagoja Gotubovića, sina Koste i majke Milke rođ. Elex, rođen 18.04.1965. godine u mjestu Sarganci, općina Foča, stalno nastanjen u mjestu Miljevića bb., općina Foča, po narodnosti Srbin, državljanin BiH, po zanimanju vozač, pismen sa završenom srednjom školom, oženjen, otac troje mladb. djece, vojsku služio 1985/86 god., u Kičevu, Republika Makedonija, bez čina, vodi se u VE-1 Foča, bez odlikovanja, lošeg imovnog stanja-posjeduje stan od 40m2, neosudjivan, ne vodi se drugi krivični postupak protiv njega, nalazi se u pritvoru po Rješenju Suda BiH X-KRN-08/494 od 23.01.2009. godine,**

Što je:

u vremenskom periodu od aprila mjeseca 1992. godine do mjeseca februara 1993. godine u kojem se je odvijao široki i sistematični napad vojnih, paravojnih i policijskih snaga tzv. Srpske republike BiH, a potom Republike Srpske, usmjeren protiv civilnog nesrpskog stanovništva općine Foča, unajučti za takav napad te da njegove radnje čine dio toga napada, kao pripadnik tih snaga, svjesno i voljno učestvovao zajedno sa drugim pripadnicima tih snaga u udruženom zločinačkom poduhvatu, na način da je učestvovao u izvršenju zajedničkog plana u namjeri ostvarenja zajedničkog cilja kojeg su činila namjerna likovanja života (ubistva) osoba nesrpske nacionalnosti, tako što je:

- tačno neutvrđenog dana, krajem mjeseca maja 1992., godine, zajedno sa grupom od dvadesetak pripadnika oružanih snaga Republike Srpske došao u blizinu mjesta Podkolon, opština Foča, nakon čega su se on, te Vuković Ranko, Vuković Rajko i Golubović Ranko, svi naoružani sa automatskim naoružanjem, izdvojili iz grupe te ušli u selo, dok su se ostali pripadnici grupe rasporedili oko sela držeći stražu, a zatim došli do porodične kuće [REDACTED] rođenog 1909 godine, kojeg su zatekli u kući, te u namjeri da ga liše života, jedan ili više njih iz grupe su iz vatrenog oružja ispalili nekoliko projektila koji su pogodili oštećenog u predio grudnog koša i glave nanijevši mu prostrjelne rane od kojih je kod oštećenog nastupila smrt . a zatim krenuli putem kojim su napustili selo, da bi potom kluči tim putem na jednoj nrtvi koja se nalazila blizu puta zatekli [REDACTED] kćeri [REDACTED] rođemu 1927 godine, koja je okopavala krompir, a zatim u namjeri da je liše života, jedan ili više njih iz grupe su iz vatrenog oružja ispalili nekoliko projektila koji su pogodili oštećenom u predio grudnog koša nanijevši joj prostrjelne rane od kojih je kod oštećene nastupila smrt, da bi potom se ponovo sastali sa ostatkom grupe te se nakon toga svi udaljili u nepoznatom pravcu.

dakle,

u okviru širokog i sistematičnog napada vojnih, paravojnih i policijskih snaga tzv. Srpske republike BiH, usmjerenog protiv civilnog nesrpskog stanovništva općine Foča, tražiti za takav napad te da njegove radnje čine dio toga napada, kao pripadnik tih snaga, djelujući sa drugim pripadnicima tih snaga, a posebno Vuković Rankom, Vuković Rankom i Golubović Rankom, svjesno i voljno učestvovao u osnovnom obliku odnosno prvoj kategoriji udruženog zločinačkog poduhvata koji je imao zajednički cilj, i to ližavanje života (ubistva) civilnih osoba nesrpske nacionalnosti, tako što je učestvovao u izvršenju zajedničkog plana koji je podržavao činjenje ubistava nad civilnim osobama nesrpske nacionalnosti,

čime je počinio krivično djelo zločin protiv čovječnosti iz člana 172. stav 1. tačka a), u vezi člana 180. stav 1. KZ BiH.

Radi toga stavlja:

PRIJEDLOG

dokaza koje treba provesti

I

Da se u svojstvu svjedoka saslušaju:

1

2

3.
4.
5.
6.



II

Da se izvrši uvid u:

1. **Presudu MKSJ u predmetu protiv Dragoljuba Kunarca i dr. br. IT-96-23-T i IT-96-23/1-T od 22.02.2001. godine;**
2. **Presudu MKSJ u predmetu protiv Dragoljuba Kunarca i dr. br. IT-96-23 i IT-96-23/1-A od 12.06.2002. godine;**
3. **Presudu MKSJ u predmetu protiv Milorada Krnojelca br. IT-97-25-T od 15.03.2002. godine;**
4. **Presudu MKSJ u predmetu protiv Milorada Krnojelca br. IT-97-25-A od 17.09.2003. godine;**
5. **Zapisnik o saslušanju svjedoka [REDAKCIJA] sačinjen u Tužilaštvu BiH dana 19.09.2006. godine pod brojem KT-RZ:30/06,**
6. **Zapisnik o saslušanju svjedoka [REDAKCIJA] sačinjen od strane Službe bezbjednosti Sektor SDB Sarajevo pod brojem 689 od 03.12.1993. godine,**
7. **Zapisnik o saslušanju svjedoka [REDAKCIJA] sačinjen u Tužilaštvu BiH dana 24.07.2007. godine pod brojem KT-RZ:30/06,**
8. **Zapisnik o saslušanju svjedoka [REDAKCIJA] sačinjen u Tužilaštvu BiH dana 11.09.2008. godine pod brojem KT-RZ:30/06,**
9. **Zapisnik o saslušanju svjedoka [REDAKCIJA] sačinjen u Tužilaštvu BiH dana 19.09.2006. godine pod brojem KT-RZ:30/06,**

10. Zapisnik o saslušanju svjedoka [REDACTED] sačinjen u Tužilaštvu BiH dana 05.10.2006. godine pod brojem KT-RZ:30/06,
11. Zapisnik o saslušanju svjedoka [REDACTED] sačinjen u Tužilaštvu BiH dana 05.10.2006. godine pod brojem KT-RZ:30/06,

12. Zapisnik o izvršenim ekshumacijama na području Opštine Foča-Srbije Kantonalnog suda u Gorazdu broj: Kri-10/01 od 28.9.2001. godine;

13. Izvještaj Ekspertnog tima Kliničkog centra u Tuzli o sudsko-medicinskoj ekspertizi od 28.9.2001. godine, broj slučaja 385;

14. Izvještaj Ekspertnog tima Kliničkog centra u Tuzli o sudsko-medicinskoj ekspertizi od 28.9.2001. godine, broj slučaja 386;

15. Izvod iz matične knjige umrlih za umrlog [REDACTED] izdat od strane MU Ustikolina broj 03-12-13-1593/08 od 08.05.2008.god.,

16. Izvod iz matične knjige umrlih za umrtu [REDACTED] izdat od strane MU Ustikolina broj 03-12-13-1594/08 od 08.05.2008.god.,

17. Uvjerenje Odjeljenja za opštu upravu Opštine Foča, broj: 04-835-1-307 od 16.8.2007. godine;

Rezultati istrage:

U istrazi koju je provelo ovo Tužilaštvo došlo se do rezultata koji na nesumnjiv način potvrđuju da je osumnjičeni Gočubović Blagoje počinio krivično djelo koje mu se stavlja na teret ovom optužnicom.

Napad na grad Foču i mnoga sela u općini Foča tokom mjeseci aprila i maja 1992. godine izvršili su lokalni Srbi, policija i paravojne formacije koji su pokrenuli jednu od najzloglasnijih kampanja etničkog čišćenja u Bosni i Hercegovini. Njena namjena je bila da se iz općine Foča zauvijek uklone njegovi stanovnici Bošnjaci. Srpske snage napale su i razorile više sela naseljenih Bošnjacima.

Fočanska opština nalazi se na krajnjem jugoistoku Bosne i Hercegovine, na oko 50 km od Sarajeva, površine 1266 kvadratnih

kilometara. Prema popisu od 1991. godine Foča je imala 40.513 stanovnika od čega su 51,6% bili Muslimani, 45,3% Srbi, a 3,1% upisani u rubriku "ostali". Zbog velikog strateškog i historijskog značaja Foča je postala jedan od glavnih ciljeva srpskih aktivnosti u Istočnoj Bosni, jer se grad nalazi na manje od 10 km udaljenosti od crnogorske granice, a smješten je uz važan putni pravac koji povezuje Crnu Goru na sjeveru sa Dubrovnikom u Hrvatskoj, a na jugu grad se nalazi na ušću rijeke Bistrice u Drinu.

Političko i vojno preuzimanje vlasti u Foči počelo je početkom aprila 1992. godine, prve vojne akcije u gradu zabilježene su 7. aprila 1992. godine kada su regularne i neregularne vojne jedinice krenule u zauzimanje grada, a 8. aprila Foča je napadnuta, teškom artiljerijom i pješadijom sa okolnih brda iz pravca Kaltovika, Livada, Dragočeva, Popovog mosta i Ivančeta, taj napad je bio usmjeren posebno na muslimanska naselja Donje Polje, Aladža i Čehodor mahalu i što je bilo završeno 16. ili 17. aprila 1992. godine. Okolna sela naseljena uglavnom stanovnicima muslimanske nacionalnosti ostala su pod blokadom do jula mjeseca 1992. godine. Do početka rata u Foči krizni štab SDS-a već je bio u funkciji prema "Upustvu o organizovanju i djelovanju organa srpskog naroda u BiH u vandrednim okolnostima" od 19. decembra 1991. godine, te je djelovao kao komanda srpskih snaga za vrijeme rata, a osnovana je i posebna srpska policija.

U Foči i njenoj okolini je u tom periodu ubijen veliki broj Bošnjaka muškaraca, žena, djece i starijih osoba. Iz masovnih grobnica i pojedinačnih grobnica na teritoriji opštine Foča i u njenoj okolini ekshumirane su još stotine muslimanskih civila svih dobi i oba pola. Građani bošnjačke nacionalnosti bili su podvrgavani i drugim oblicima zlostavljanja i ponižavanja kao što je silovanje i premlaćvanje. Mnogima su od njih oduzete stvari od vrijednosti, zlato nakit i novac. Veliki broj civila nesrpske nacionalnosti koji još nisu bili izbjegli, bili su sistematski protjerivani na organizovani način i protivzakonito zatvarani i tom prilikom mnogi su ubijani i premlaćvani.

Sve naprijed navedene činjenice protizlaze iz presuda MKSJ u predmetima protiv Križević Milorada i Kunarac Dragoljuba.

Na osnovu činjenica koje su utvrdjene u ovim predmetima sudeća vijeća su u pravosudnim presudama utvrdila da je na području Opštine Foča izvršen široki i sistematski napad Srpskih snaga usmjeren protiv civila nesrpske, posebno Bošnjačke nacionalnosti, koje činjenice će Tužilaštvo predložiti da se prihvata kao dokazane, a na temelju odredbe

Člana 4. Zakona o ustupanju predmeta od strane MKSJ Tužilaštvu BiH i korištenju dokaza pribavljenih od MKSJ u postupcima pred sudovima u BiH

Tužilaštvo je nakon sprovedene istrage došlo do dokaza da je osumnjičeni Gohubović Blagoje za vrijeme ovog napada, zajedno sa Gohubović Rankom, Vučković Rankom i Vuković Rajkom dobio naoružan automatskim naoružanjem u nebranjeno selo Podkrahun, opština Foča, gdje su upotrebom oružja lišili života [REDACTED]

[REDACTED] što proizilazi iz iskaza prvenstveno svjedoka [REDACTED] koji je bio očevidac predmetnih događaja, a koji iskaz je na nedvojbjen način potvrđen iskazima svjedoka [REDACTED]

Ovo Tužilaštvo je takođe došlo do materijalnih dokaza o nasilnoj smrti [REDACTED] što potvrđuju Zapisnik o izvršenoj ekshumaciji posmrtnih ostataka oštećenih sa pratećim izvještajima o sudbini medicinskoj ekspertizi sačinjeni po vještaku medicinske struke [REDACTED]

Cijeneći dokaze koji su prikupljeni tokom istrage može se zaključiti da je osumnjičeni Gohubović Blagoje zajedno sa drugim saizvršiocima djelovao u skladu sa zajedničkim planom koji je imao za cilj istu zločinačku namjeru, a to je ubistvo [REDACTED]. Iako iz prikupljenih dokaza se ne može jasno utvrditi ko je od njih četvorice kao dio saizvršilačke grupe direktni izvršilac ubistava pomenutih, jasno je da je osumnjičeni sasvim dobrovoljno učestvovao u zajedničkom planu, te da je zajedno sa drugima imao potpuno istu namjeru, koja je za posljedicu imala ubistvo oštećenih, bez obzira kakvu su konkretnu ulogu odigrali u prethodnim događajima. Iz tih razloga njihovo zajedničko djelovanje se može u cjelosti podvesti pod individualni vid odgovornosti predviđen odredbom člana 130. stav 1. KZ BiH i to učestvovanjem u izvršenom zločinačkom počinjatu koji podrazumijeva zajedničko planiranje i počinjanje radnji sa zajedničkom namjerom.

Uzimajući u obzir da je osumnjičeni bio pripadnik snaga koje su učestvovala u napadu, što proizilazi iz prikupljenih dokaza, a posebno iz Uvjerjenja Odjela za opštu upravu Opštine Foča te iskaza svjedoka, proizilazi da je isti imao za napad i bio svjestan da njegove radnje koje su pobliže opisane u izreci optužnice predstavljaju dio toga napada. Počuzete radnje od strane osumnjičenog su temeljene na isključivo diskriminacionoj osnovi, jer za iste ne proizilazi bilo kakav motiv osim različite nacionalne, vjerske i polne pripadnosti samih žrtava, te se iste mogu posmatrati samo kao dio opšteg progona kojem su

bili izloženi nesrpski civili opštine Foča u periodu kada su radnje od strane osumnjičenih i počinjene.

Cijeneći naprijed navedeno može se sasvim jasno zaključiti da je u periodu koji se osumnjičenom stavlja na teret od strane srpskih snaga koje su činile vojna, paravojna i policijske formacije izvršen široki i sistematski napad usmjeren protiv civilnoga stanovništva nesrpske nacionalnosti opštine Foča, da je osumnjičeni znao za taj napad, da je bio svjestan da radnje koje je počinio, a koje su opisane u izreci optužnice predstavljaju dio toga napada, a koji svi zaključci ukazuju na ostvarenje svih bitnih obilježja krivičnog djela koje se osumnjičenom stavlja na teret.

S toga, Tužilaštvo BiH smatra da je ova optužnica u potpunosti osnovana, te predlaže da Sudija za prethodno saslušanje Suda BiH istu potvrdi u cjelosti.

Materijal koji potkrepljuje navode optužnice:

- Presuda MKSJ u predmetu protiv Dragoljuba Kunarca i dr. br. IT-96-23-T i IT-96-23/1-T od 22.02.2001. godine;
- Presuda MKSJ u predmetu protiv Dragoljuba Kunarca i dr. br. IT-96-23 i IT-96-23/1-A od 12.06.2002. godine;
- Presuda MKSJ u predmetu protiv Milorada Krnojelca br. IT-97-25-T od 15.03.2002. godine;
- Presuda MKSJ u predmetu protiv Milorada Krnojelca br. IT-97-25-A od 17.09.2003. godine;
- Zapisnik o saslušanju osumnjičenog Golubović Blagoja, Tužilaštvo BiH broj KT-RZ:30/06 od 09.02.2009. godine,
- Zapisnik o saslušanju svjedoka [REDACTED] sačinjen u Tužilaštvu BiH dana 19.09.2006. godine pod brojem KT-RZ:30/06,
- Zapisnik o saslušanju svjedoka [REDACTED] sačinjen od strane Službe bezbjednosti Sektor SDB Sarajevo pod brojem 689 od 03.12.1993. godine,
- Zapisnik o saslušanju svjedoka [REDACTED] sačinjen u Tužilaštvu BiH dana 24.07.2007. godine pod brojem KT-RZ:30/06,
- Zapisnik o saslušanju svjedoka [REDACTED] sačinjen u Tužilaštvu BiH dana 11.09.2008. godine pod brojem KT-RZ:30/06,

- Zapisnik o saslušanju svjedoka [REDACTED] sačinjen u Tužilaštvu BiH dana 19.09.2006.godine pod brojem KT-RZ:30/06,
- Zapisnik o saslušanju svjedoka [REDACTED] sačinjen u Tužilaštvu BiH dana 05.10.2006. godine pod brojem KT-RZ:30/06,
- Zapisnik o saslušanju svjedoka [REDACTED] sačinjen u Tužilaštvu BiH dana 05.10.2006.godine pod brojem KT-RZ:30/06,
- Zapisnik o izvršenim ekshumacijama na području općine Foča, Kantonalnog suda u Goraždu, broj: Kri:10/01 od 28.09.2001. godine,
- Izvještaj o sudsko medicinskoj ekspertizi, broj slučaja 385., Ekspertnog tima Kliničkog centra Tuzla od 28.09.2001.godine,
- Izvještaj o sudsko medicinskoj ekspertizi, broj slučaja 386., Ekspertnog tima Kliničkog centra Tuzla od 28.09.2001.godine,
- Izvod iz matične knjige umrlih za umrlog [REDACTED] izdat od strane MU Ustikolina broj 03-12-13-1593/08 od 08.05.2008.god.,
- Izvod iz matične knjige umrlih za umrlu [REDACTED] izdat od strane MU Ustikolina broj 03-12-13-1594/08 od 08.05.2008.god.,
- Uvjerenje Odjeljenja za opštu upravu Opštine Foča, broj 04-835-1-307 od 16.08.2007.godine,

Prijedlog za produženje pritvora:

Na temelju odredbi člana 227. stav 3. i člana 137. stav 1. ZKP BiH, Tužilaštvo BiH predlaže da se prema osumnjičenom Golubović Blagoju produži mjera pritvora i nakon potvrđivanja optužnice iz razloga predviđenih odredbom člana 132. stav 1., tačke a) i b) ZKP-a BiH.

Na osnovu rezultata istrage, odnosno na osnovu prikupljenih dokaza može se zaključiti da postoji osnovana sumnja da je osumnjičeni Golubović Blagoje počinio krivično djelo Zločin protiv čovječnosti iz člana 172. stav 1. tačka a) KZ BiH, na način, u vrijeme, na mjestu i pod okolnostima kako je to navedeno u radnjama krivičnog djela sadržanim u dispozitivu ove optužnice. Time je ispunjen osnovni uslov za određivanje pritvora, a to je postojanje osnovane sumnje da je osumnjičeni počinio krivično djelo koje mu se stavlja na teret, a što predviđa i odredba člana 5. Evropske konvencije za ljudska prava, odnosno postojanje pravnih osnova na kojima se može temeljiti zakonito pritvaranje.

Pored postojanja opšteg uslova za određivanje pritvora Tužilaštvo BiH je stanovišta da su ispunjeni i posebni uslovi, a koje predviđaju tačke a) i b) člana 132. stav 1. ZKP BiH.

Raspisivanju međunarodne potjernice za osumnjičenim Blagojom i Rankom Golubovićem je prethodilo izdavanje naredbe za hapšenje obojice osumnjičenih, obzirom da su postojale okolnosti koje su ukazivale na opasnost od bjekstva osumnjičenih, odnosno za obojicu je ustanovljeno da se ne nalaze na prijavljenim adresama u Miljevini, opština Foča.

Posebno se cijenila okolnost da je u to vrijeme u medijima objavljena informacija da su lišeni slobode braća Vuković Ranko i Rajko, te da se isti terete za izvršenje krivičnog djela nad Bošnjacima civilima u selu Podkobaš zajedno sa Golubović Rankom i Blagojom, te da su braća Golubović po saznanju za pomenute informacije napustili teritorij BiH kako bi postali nedostupni organima krivičnog gonjenja naše države.

Državna agencija za istrage i zaštitu je dana 07.12.2007. godine dostavila izvještaj broj:17-04/2-04-2-457-5/07 ODŽ od 30.11.2007. godine iz kojeg proizilazi da je SIPA postupila po naredbi ovog Tužilaštva, te da je poduzela operativno-taktičke mjere i radnje u cilju lociranja i eventualnog lišenja slobode osumnjičenih Golubović Blagoja i Golubović Ranko neposrednom opservacijom adresa stanovanja, na kojima osumnjičeni imaju prijavljeno mjesto prebivališta, utvrdili su da se isti ne nalaze na navedenim adresama, te da su radom sa PP vezom došli do saznanja da se osumnjičeni Golubović Blagoje nalazi na privremenom radu u Beogradu, Srbija, a da se osumnjičeni Golubović Ranko nalazi na privremenom radu u Nikšiću, Crna Gora. Iz pomenutog izvještaja SIPE takođe proizilazi da su policijski službenici-Centra za istraživanje ratnih zločina i JSP SIPA-e u razgovoru sa suprugom osumnjičenog Golubović Blagoje došli do saznanja da isti ne boravi na području Miljevina, te da duži vremenski period nije dolazio u posjetu svojoj porodici, kao i da se veoma rijetko javi putem telefona. Supruga osumnjičenog Golubović Blagoje takođe tvrdi da se njen suprug ne brine o njoj i njihovoj djeci. Cijeneći prethodno navedeno jasno proizilazi zaključak da je osumnjičeni Golubović Blagoje napustio mjesto prebivališta u namjeri kako bi spriječio svoje hapšenje te izbjegao krivično gonjenje.

Postupajući po naredbi ovog Tužilaštva, Državna agencija za istrage i zaštitu dana 05.02.2008. godine ponovo dostavlja Službenu

zabilješku, broj: 17-04/2-04-2-96/07 od 01.02.2008. godine iz koje proizilazi da obojica osumnjičenih Golubović Blagoja i Golubović Ranko, a prema saznanjima od PP veze, se nalaze na teritoriji R Srbije, te da je krajem januara 2008. godine preminuo otac Golubović Blagoja i Ranko, no da se niti jedan od osumnjičenih nije pojavio na sahrani iz koje informacije jasno proizilazi da obojica osumnjičenih izbjegavaju dolazak na teritorij BiH kako bi izbjegli eventualno pojavljivanje pred Sudom i Tužilaštvom BiH, svjesni činjenice da se protiv njih vodi krivični postupak za isto djelo za koje su optuženi, te prvostepenom presudom osuđeni braća Vuković Ranko i Rajko.

Kao posljedica raspisivanja međunarodne potjernice osumnjičeni Golubović Blagoja, nakon što je Sud prema njemu odredio pritvor Rješenjem, broj: X-KRN-07/326 od 11.02.2008. godine, lišen slobode, nakon čega mu je prema saznanjima ovog Tužilaštva od dana 28.04.2008. godine određen ekstradicioni pritvor od strane istražnog sudije Okružnog suda u Novom Sadu do momenta ekstradicije osumnjičenog organima krivičnog gonjenja Bosne i Hercegovine.

Ministarstvo pravde R Srbije donijelo rješenje o izručenju osumnjičenog u BiH, nakon čega je osumnjičeni predat nadležnim organima BiH, te izveden pred Sud BiH na ročištu održanom 23.01.2009. godine, a povodom ponovnog odlučivanja o prijedlogu Tužilaštva za određivanje pritvora prema osumnjičenom Golubović Blagoji. Nakon održanog ročišta Sud je donio Rješenje, broj: X-KRN-08/494 od 23.01.2009. godine, kojim je Rješenje Suda BiH, broj: 08/494 od 11.02.2009. godine stavio van snage, te odredio mjeru pritvora prema osumnjičenom na osnovu člana 132. stav. 1., tačka a) ZKP BiH u trajanju od mjesec dana, odnosno do 22.02.2009. godine do 18,20 sati.

Sudija za prethodni postupak Suda BiH je prihvatio prednje navedene argumente Tužilaštva u pogledu opravdanosti određivanja mjere pritvora prema osumnjičenom Golubović Blagoji, a posebno priznanje samog osumnjičenog, koje je izrekao na ročištu održanom dana 23.01.2009. godine, da je svjesno izbjegavao pojavljivanje na teritoriji BiH.

Prethodno navedeno na nedovoljan način opravdava tvrdnju Tužilaštva da i dalje postoje činjenice i okolnosti koje ukazuju da bi osumnjičeni Golubović Blagoja iskoristio svoj boravak na slobodi da ponovo napusti teritorij Bosne i Hercegovine - te da na taj način onemogućiti dalji tek postupka u ovom predmetu.

Naročito ističemo da se njegov brat Golubović Ranko nalazi u bjekstvu, prema saznanjima Tužilaštva u Srbiji, a koji je također osumnjičen kao sakrivač u ovom predmetu iz čega proizilazi opasnost da bi osumnjičenom Golubović Blagoju mogao pružiti pomoć da putem brojnih nelegalnih prelaza pređe granicu BiH i tako postane nedostupan organima krivičnog gonjenja, čime je u cjelosti ispunjen uslov za određivanje pritvora predviđen u odredbi člana 132., stav 1., tačka a) ZKP BiH.

Što se tiče osnova za određivanje pritvora predviđenog u odredbi člana 132., stav 1. tačka b) ZKP-a BiH, napominjemo da su osumnjičenom poznati svjedoci koji su dali svoja svjedočenja pred Sudom BiH, u predmetu protiv Vuković Ranka i Vuković Rajka, u kojem predmetu je Sud BiH dana 04.02.2007. godine donio prvostepenu osuđujuću presudu za tačku optužnice za koju se tereti i osumnjičeni Golubović Blagoje, te se osnovano može smatrati da osumnjičeni svojim postupcima može vršiti pritisak na svjedoke i pokušati da ih onemogući u njihovom svjedočenju, a koji će biti saslušani tokom suđenja, koji svjedoci svoje iskaze moraju dati u atmosferi bez pritiska i straha od odmazde.

Nadalje, važno je napomenuti da postupak protiv Vuković Ranka i Rajka nije pravosnažno okončan te se nakon osuđujuće prvostepene presude očekuje ponovno suđenje pred apelacionim vijećem, a u kojem postupku je istina ukinut pritvor i pušteni su na slobodu, što ukazuje na zaključak da bi boravkom na slobodi Golubović Blagoje mogao sa istima stupiti u kontakt te tako uticati na njih kao sakrivače i na taj način omesti provođenje ovoga postupka.

Stoga je neophodno potrebno da se osumnjičeni nalazi u pritvoru, čime je osnovan u cjelosti razlog za određivanje pritvora iz člana 132., stav 1. tačka b) ZKP-a BiH.

Cijeneći prednje na vedeno, smatram da je prijedlog za produženje pritvora prema osumnjičenom u cjelosti osnovan iz kojih razloga predlažem da se istom udovolji.

